

楊襄毅公本兵疏議

楊襄毅公本兵疏議卷之三十一

覆大學士高拱等建議責成宣大等七鎮邊臣及時整飭邊政疏

少傅兼太子太傅吏部尚書管理兵部事臣楊博等謹

題為虜衆內附邊患稍寧乞及時大脩邊政以求圖治安事職方清吏司案呈奉本部送兵科抄出少師兼太子太師吏部尚書建極殿大學士掌管吏部事等官高拱等題奉

聖旨邊境既寧邊政正宜及時脩舉覽卿等奏具見為國

深遠慮猷着兵部看議來行欽此欽遵抄出送司案呈  
到部看得少師兼太子太師吏部尚書建極殿大學  
士掌管吏部事等官高拱等題稱前因大率謂北虜  
率衆款塞稽顙稱臣

朝廷准其貢市錫以爵賞其說有三一則受彼之來則  
彼之嗜欲繫於我而可免侵擾之害一則容彼之請  
則我之法制行於彼而坐收安寧之利一則外示羈  
縻專脩內治以為經久之謀據今日之見行則前二  
說已有成效為將來之大計則後一說亟當勉圖至  
其詳論內治要領則欲乘此閒暇積錢糧脩險隘練

兵馬整器械開屯田理塩法廣收胡馬解散盜賊  
有沉機密畫不可明言者皆將次第舉行且請成木  
兵與邊臣內外協心着實整頓仍乞

勅諭邊臣及遣官閱視比照獲功失機分別功罪以示勸  
懲各一節除薊遼二鎮原與西邊無與另本議奏外  
為照自古聖王之於夷裔不過德威二者而已叛則  
威以龍言之有防禦之經來則德以綏之有制馭之權  
即如虜酋俺荅兵力盛強甲於北鄙控弦之士不可  
勝計又得老把都兒黃台吉吉能等為之羽翼在阜  
趙全李自馨等為之腹心自我斬其虜使以來宣雲

山陝延寧甘固之間受害甚慘甚至攻破州郡蹂踐  
郊圻三十年間乞無寧日所幸

天伐其謀神奪其魄自以愛孫把漢那吉之故稽顙稱臣  
惟恐或後不煩一夫而七陲晏然生靈免荼毒之災  
不費斗糧而群雄帖爾士馬少調遣之擾允協

先皇之心有光

二祖之烈此實我

皇上大化神明鴻恩博洽

聖德格天所致而輔臣高拱張居正殷士儋謀斷相資力  
贊其議邊臣王崇古劉綎其艱危不避身任其責功

在地方俱難輕泯乃今隱括經制之詳列為三策由前二策權以濟變淵深莫測殊得惇大之體由後一策道以守經注措有章足收明作之功為

國深遠忠猷誠如

聖諭所據奏內積錢糧等事即當一一舉行以修實政往歲苦其侵暴欲為而勢有不能今日趁此間暇應為而時不可失各邊文武諸臣與有脩攘之責果能着實脩舉著有勞績比照擒斬事例重加陞賞如仍踵襲故套搪塞誤事即照失機律例從重擬罪仍望皇上俯賜採覽將宣大山西延綏寧夏固原甘肅七鎮總

督鎮巡官各

賜劾一道令其破格整飭應便宜者便宜施行果有改絃  
易轍應奏請者明白具奏候隆慶六年十月以後分  
遣才望大臣前去閱視從實回奏臣等待罪本兵叨  
承樞筦之寄亦不敢不悉心程督重負委託自速罪  
戾隆慶五年七月二十四日題奉

聖旨都依議着實舉行欽此

一積錢糧臣等議得往歲一入秋月即將兵馬分布  
信地變主為客糜費不貲今無通行七鎮總督鎮巡  
等官各將各枝兵馬酌量虜情仍照防秋舊規分布

停當無警各守禦原住地方不許離局有警各奔赴  
所分信地不許誤事其宣府南山一帶照依總督王  
崇古題奉

欽依事例不必先期駐守防秋畢日果有節省錢糧另項  
收貯各置文簿一扇開載數目其戶部應發年例銀  
兩逐年處發不得因而短少通候大臣至日閱視施  
行

一脩險隘臣等議得以靜制動以逸待勞脩設險要  
實為防邊要務臣博巡撫甘肅之時督令甘州等十  
五衛所所在村落各築墩院虜嘗突至涼州守保嚴



密一無所得且將兵馬棋布於墩院之間于時斬獲虜首亦獲虜馬甚多若使各邊皆能有備虜雖反側何能為哉訪得宣府城堡稍有次第大同則僅完十之三四山西固原延寧則僅完十之一二甘肅墩院已半就傾頽矣合無通行七鎮總督鎮巡守巡兵備等官各將險隘城堡加意脩築高厚堅實以圖永久工小者聽居民自處工大者官為措處如有重大工程勘實奏請通候大臣至日閱視施行

一練兵馬臣等議得兵馬不練與無兵同邇來各邊有畏軍士之訛言而全不操練者有雖嘗操練而後

為其者大抵大操不如小操合操不如分操合無通行七鎮總督鎮巡等官以後務要時加操練一人教十十人教百百人教千川在守巡兵備等官亦要不時監督操有成效或全無成效與將領一體賞罰以示激勸通候大臣至日閱視施行

一整器械臣等議得器械不利以卒與敵委當及時敕理但軍士貧苦力不能辦軍三民七軍器雖解納工部半多不堪若使將價留在本處給與軍士自行打造公私殊為兩便合無通行七鎮總督鎮巡等官或應別項討給官錢或應暫留軍三民七年例各另

議奏聽工部覆議通候大臣至日閱視施行

一開屯田臣等議得開耕屯田以資軍食是即古人積粟塞下之意但小民無知惟恐糧差累及逡巡畏縮不敢認種臣博巡撫甘肅之時嘗奏奉

明旨原係拋荒者未起科近年拋荒者十年之後方行起科人心躍踴頗見成效不抵損上益下藏富於民自古經國之長策合無通行七鎮總督鎮巡守巡兵備等官照依前例從實舉行仍各給與明文以為執照其原有水利去處亦要設法疏通以濟屯田之用通候大臣至日閱視施行

一理塩法臣等議得

國初塩法謂之飛軌商人射利以輸邊邊人得米以餬口良法美意無已過之但官司畏避嫌疑多派斗頭以致商人不願上納勘合徒存置之無用倉庾盡虛取之不給失策甚矣合無備行七鎮巡撫都御史督同守巡兵備等官務要設法疏通以復

國家之舊通候大臣至日閱視施行

一收胡馬臣等議得各邊軍士缺馬甚多有一營三千馬僅有一半者亟當處補除宣大山西見該右給事中梁問玉等具題另本議覆外合無備行陝西延

寧甘肅督撫等官各將各營缺馬數目分別具奏以憑給發馬價務要收買膘壯好馬事完造冊奏繳青冊送部查考通候大臣至日閱視施行

一散逆黨臣等議得逆黨不散則勾引之禍蔓延未已即如丘阜趙全等是其明驗合無通行宣大山西延寧固原甘肅七鎮總督鎮巡等官設法招徠歲終仍照舊例以人口多寡分別陞賞果有沉機密畫不妨徑自酌處通候大臣至日閱視施行

覆右給事中梁問孟等議暫准折色馬疏

題為酌議馬政事宜以裨邊儲以甦民困事車駕清吏

司案呈奉本部送兵科抄出巡視京營戶科等衙門  
右給事中等官梁問孟等題奉

聖旨兵部知道欽此欽遵抄出到部送司卷查本部馬政  
條例每年備用馬匹額派本折色二萬五千匹內取  
本色馬二萬匹折色馬五千匹本色相兼緩急備用  
今該前因案呈到部看得巡視京營戶科等衙門右  
給事中等官梁問孟等具題前因大率因市馬一事  
因議備用馬議寄養馬議監牧馬無非欲振飭馬政  
蘇息民困之意但監牧之制既卒難施行寄養之法  
自遽難盡廢惟北直隸山東河南三處連歲災傷人

不聊生若使暫准折色一年不惟常盈庫銀可增百  
分之一亦且閭閻小民得受一分之賜况大同宣府  
山西三鎮各營軍士缺馬數多相應通行酌處合候  
命下備咨北直隸山東河南巡撫都御史將隆慶六年分  
應派備用馬匹俱准折色每匹徵銀二十四兩解部  
發寺收貯以後年分仍聽本部的量徵派一面先於  
太僕寺動支馬價銀三萬兩大同宣府山西各一萬  
兩差官解送巡撫都御史劉應箕孟重楊綵處收買  
臚壯好馬給軍騎征事完令另造冊奏繳青冊送部  
查考本部仍備咨總督尚書王崇古綜理稽查以修

遼政隆慶五年七月二十五日題奉

聖旨是欽此

覆給事中劉伯燮條陳斂才正名疏

題為懇乞

聖明乘太平之運脩萬世之計恭陳五議以備採擇事職  
方清吏司案呈奉本部送吏科抄出工科給事中劉  
伯燮題奉

聖旨該部知道欽此欽遵抄出送司案呈到部看得工科  
給事中劉伯燮所陳議斂才議正名二事一則盡人  
才之長一則崇



天朝之體合就開立前件議擬上請定奪隆慶五年七月二十六日題奉

聖旨正名一節只於章奏文移改正不必榜諭其餘依擬欽此

一曰議斂才看得武舉一科試以弓馬文字委不足以盡驍雄豪邁之才兼收之策節經建白竟未見舉到一人海內之廣豈真無遺才耶給事中劉伯燮陳及于此允於安撫有益合無依其所擬備行沿邊沿海督撫及各省撫按等官多方詢訪勿拘世類勿限資格或有膂力方剛足舉千斤或有心計特慧能精

一甄真許所在軍衛州縣起送各該督府軍門隨宜  
委用試有成效疏名奏薦其見在行伍者責成總副  
叅遊等官各以所部指名薦舉文書到日通限三箇  
月以裏總督撫按官各另具由回奏

一曰議正名仰惟我

國家運際中興時當全盛北虜俺荅具威感德稽顙稱  
臣來王來享真足以追美隆古之治議者誤言和好  
遂致小民無知交相傳訛豈惟今日名實不稱抑且  
他日事體未安和者弗臣臣者弗和誠如給事中劉  
伯燮所論合無依其所擬一面昭示中外一面亟行

九邊責令督撫等官出給大字榜文曉諭改正一切軍民人等以後敢有仍前訛言和好者從重處治將領仍加等究治

責成薊昌遼保諸鎮邊臣及時整飭邊備疏

題為申飭薊昌防秋事宜以重根本以保萬全事職方清吏司案呈照得薊昌二鎮拱護

陵京根本腹心比之九邊事體特重自嘉靖庚戌以後每歲四時無時不防而秋防尤為喫緊系東西二虜無歲不窺而東虜更見垂涎即日西虜世首稱臣稍類似無別虞而東虜土蠻斬憤陸梁勢必狂逞即如今歲

四月則寇連山五月則寇盤山六月則寇名河計其  
出沒之地雖在於遼度其奸狡之情實在於薊況今  
秋高馬壯正係彼虜馳騁之時寧先事而過防無寧  
後時而失策呈乞查處案呈到部看得薊昌二鎮密  
邇

陵京委為根本腹心重地以臣等耳目之所覩記西虜侵  
軼者十之二三東虜侵軼者十之八九春防稍緩尚  
當戒嚴秋防孔亟豈容怠誤臣等待罪本兵惟恐仰  
負委托不敢不先事圖惟謹將應行事宜開坐上陳  
伏望

皇上俯賜採覽勅下臣等遵奉施行地方幸甚隆慶五年

七月二十七日題奉

聖旨依議行欽此

一定戰守臣等議得薊昌二鎮已該總督劉應節等  
將各該兵馬分布停妥題奉

欽依無容別議但向來口語紛紛咸以守牆為怯或欲牆  
外邀擊猶為害七而利三或欲牆內奮擊誠為利一  
而害九言之似若可聽行之實無少效蓋因牆拒守  
兵法所謂先處戰地而待敵者逸名雖善守實為害  
戰臣博嘉靖三十二年總督之時嘗與東虜十萬之

衆拒持旬日匹馬竟未入邊損傷虜衆不可勝計于  
時虜酋打來孫即土蠻之父抱恨而歸

先帝誤以臣為功錫臣陞廢後臣復任總督益復習明劄  
事以為必當守牆萬無可疑若使潰牆而戰戰雖有  
功風斯下矣況未必能戰乎合無備行總督劉應節  
巡撫楊兆總兵戚繼光揚四畏今次虜若臨牆不拘  
薊東薊西決意拒守牆臺以必保萬全為主上以荅  
聖主東顧之懷下以慰畿民安堵之望賊攻去處果能保  
無他虞不分文武官軍照依斬首事例題請陞級一  
體世襲敢有訛言惑衆破壞守牆之說者總督官先

以軍法究治仍行解京治以重典

一明應援臣等議得薊鎮官兵既以分布守牆同心  
同力自然可保萬全而意外之防不可不慮所據鄰  
鎮兵馬必須預擬停當臨期方免誤事合無行遼東  
撫鎮官張學顏李成梁保定撫鎮官宋纁李勇宣府  
撫鎮官孟重趙奇各將所部精銳人馬一面特加選  
練不許離局一面差人於薊遼軍門探聽土蠻但有  
侵軼古北口石塘嶺黃花鎮一帶消息張學顏宋纁  
孟重仍各防守本鎮李成梁由山海關自東而西李  
勇由保定自南而北趙奇由居庸關自西而東宣大

總督尚書王崇古亦照原奉

欽依事理入關應援大率以保護

陵京為主至于宣府大同之鎮城陽和之會城仍要多留  
兵將以防西虜反側之虞內遼保二鎮之兵原係節  
遼軍門節制雖徑可調遣非得仰仗 天威特勤天  
語人心未免怠緩少誤事機關係不輕

一申駐守臣等議得昌平

陵寢通州積貯雖事體輕重不同均當早為嚴備先該吏  
部掌管部事大學士高拱等題註本部侍郎四員一  
員協理部事一員防守九門一員駐守昌平一員駐



守通州各有專責事體已定但去歲事出倉卒所統之兵尚未定擬趁今閑暇之時相應預為酌處合無備行總督侍郎劉應節巡撫都御史楊兆總兵官戚繼光楊四畏會同查議要見二侍郎駐守之日應以何項兵馬聽其調度一面咨部知會一面徑咨二侍郎知會二侍郎亦要先期各赴所分地方自行料理完日回京直候有警方行前去調度

一處京營臣等議得京營兵馬

祖宗設立之意原為強幹弱枝居重馭輕譬之紫薇之垣衆星環繞不容一星失次向來此義不明薊鎮但有

警報即將兵馬列營城外或一二里或三四里將官  
不過假此塞責徒為文具遂致城守之人聊以充  
充數萬一突有庚戌之變城守內虛兵馬外隔一衆  
而兩失之合無容臣等備行總督鎮遠侯顧襄協理  
右都御史譚綸即將本營將兵於教場內略照內城  
外城規格逐一分派居常設法操演令其曉然各知  
信地既不許張皇以致人心驚疑亦不許疎略以致  
事體乖刺此外每門仍量留精兵以備臨期相機調  
遣至於郊圻之外正係督撫總兵信地戰守機宜自  
當聽其徑自計處

一諭屬夷臣等議得朵顏三衛屬夷陽順陰逆弱者為東西二虜之耳目強者為東西二虜之羽翼恃東虜之衆倚西虜之強自嘉靖庚戌以來勾引騷擾無歲無之誠可痛恨即今西虜俺荅既以臣服諸夷大失所倚乘其氣怯之時相應陰折其心合無備行總督劉應節巡撫楊兆總兵官戚繼光責令撫夷官通於喜峰等口明白曉諭你每平日專倚俺荅并老把都之勢即今俺荅等進貢開市極其恭順縱有東虜土蠻其何能為土蠻今秋如敢復來擾邊

朝廷已調下數十萬人馬痛加殺他就令者把都黃台

吉搗他巢穴殺他老小已都約定了你們若能先期傳報明的臨期協力勦殺自當奏請重加陞賞若傳報不的面相欺誑外示恭順中懷反側

天威在上定行一體勦殺不要後悔其廣寧開原馬市諸夷交易之時遼東撫鎮官亦要一體曉諭以伐其謀一脩內治臣等議得前款所陳不過防秋一時權宜之計至於脩內之策薊遼保定三鎮宣大等七鎮事體相同必須一體整飭方成畫一之政合無容臣等將大學士高拱等所議積錢糧脩險隘練兵馬整器械開屯田理鹽法收胡馬散逆黨等八事通行總

督侍郎劉應節巡撫都御史楊兆張學顏宋纁總兵官戚繼光楊四畏李成梁李勇督同守巡兵備等官各隨宜脩舉候隆慶六年十月以後分差大臣通行閱視具由回奏果能着實脩舉著有勞績比照摘斬事例重加陞賞如仍踵襲故套搪塞誤事即照失機律例從重擬罪仍乞將總督鎮巡官各

賜勅諭一道應便宜舉行者令其便宜舉行果有改絃易轍應奏請者具奏定奪大率薊遼二鎮虜警未息比之宣大等七鎮保定一鎮邊情稍寧者不同閱視大臣至日亦當稍從寬條

覆都給事中章甫端等隄備新港二鎮  
題為據報虜情乞飭當事臣工嚴加備禦以圖萬全事  
職方清吏司案呈奉本部送兵科抄出兵科都給事中  
章甫端等題奉

聖旨兵部知道欽此抄出送司案奉該處吏撫鎮官都  
御史張學顏等塘報虜情事內稱據本處巡檢司  
狐狸等處探報寧前地方陸續不絕來奔竊盜等情  
該等官嚴加防備去後今該將巡檢司官等  
科部給事中章甫端等具題前因長寧等處  
庫積粟穀被虜劫乞要用兵鎮守總督撫鎮守

防守一節為昭遠東寧前地方與綽羅山海關一片  
石一帶相為唇齒即今東虜迹雖向東志實在前正  
係聲東擊西之計其正被虜者以疑者三傳言原係  
土蠻之屬今既納款封王土蠻心懷不平勢必一逞  
於前歲棒捶崖之敗倦答嘗譏笑其怯土蠻含羞  
數年必將發憤一三往時開原廣寧二市每市多  
至二三千人今歲至多不過二三百人糾衆之狀居  
然可見其在我邊可慮者亦有三邊人無知以為西  
虜既服可以晏然無事不知西虜犯薊者為少東虜  
犯薊者為多豈可以西虜之服遂忘東備又謂東虜

雖衆其勢甚弱縱使大舉其何能為不知東虜比之  
西虜固為稍弱比之我兵則驍雄百倍屢年入犯全  
勝而歸是其明驗東虜每當大舉輒露形於遼以緩  
我師直至九月下旬十月上旬方始突然而至即如  
嘉靖三十二年入犯古北口則在九月二十七日嘉  
靖四十二年入犯牆子嶺則在十月初一日若使誤  
中其謀為害不輕臣等待罪本兵重念腹心根本深  
切憂惶既經該科具題前來相應通行申飭合候  
命下本部馬上差人移文薊遼總督劉應節巡撫楊兆張  
學顏總兵官戚繼光楊四畏李成梁各差人齎裝趲遠



哨賊若東犯遼東則堅壁清野以逸待勞設法出奇  
以衆擊寡賊若西犯薊鎮務要依牆拒堵以守為戰  
聿成萬全之功直待九月以後十月以前方可解嚴  
仍各不時報部以憑調度施行隆慶五年八月初二  
日題奉

聖旨是欽此

覆宣大巡按御史劉良弼責成邊臣安攘疏

題為預陳邊事隱憂懇乞

聖明申諭邊臣早為計處以保萬全事職方清吏司案呈  
奉本部送兵科抄出巡按直隸監察御史劉良弼題

奉

聖旨兵部知道欽此欽遵以出送司卷查近該大學士高拱等題為虜衆內附治邊患稍寧乞及時大脩邊政以求圖治安事內稱積穀糧脩險隘練兵馬整器械開屯田理鹽法收胡馬以收逆黨仍乞

賜勅一道戒諭邊臣責其成效每年特差才望大臣或風力科道官二三員分投閱視比照擒斬失機事例分別功罪以示勸懲奉

聖旨邊境既寧邊政正宜及時脩舉覽卿等奏具見為國深遠忠猷着兵部看議來行欽此隨該本部覆奉

聖旨都依議着實舉行欽此已經通行欽遵去後今該前  
因查呈到部看得巡按直隸監察御史劉良弼具題  
前因大率謂北虜互市已畢羈縻之術似亦可觀而  
隱憂潜伏漸不可長乃器具封疆弛守熟夷疑叛將  
領推諉塞下虛耗勇士取逸市地增加六漸責成邊  
臣早圖預待且欲及時修城堡礪甲兵招徠叛逆經  
理殘破廣儲糧餉開墾屯田各一節為照北虜貢市  
原為外示羈縻內脩戰守即今貢市已完邊境暫息  
乘此閒暇正是可以有益之日近該大學士高拱等  
具題欲要大脩邊政以積錢糧等八事為經久之圖

且請 勅諭邊臣着實舉行仍行遣官閱視為  
國忠猷極其深遠已經本部覆奉

欽依通行各邊欽遵去後乃今巡按御史劉良弼復有此  
議查與輔臣所見大略相同至於開陳六漸無非思  
慮預防以保萬全之意但惟總督王崇古身當鎖鑰  
之司心切安攘之計經始之勞既在可錄善後之策  
必能預處事在閫外相應通行申飭合候

合 本部移文總督王崇古公同巡撫孟重劉應箕楊綵  
除內治事理查照本部先今題覆着實舉行外即將  
御史劉良弼所陳六漸逐一密處應潛消默奪者鑒

童牛之牯慎防其微應開闔弛張者嚴履霜之戒力  
杜其漸果有事體關係應該奏請者徑自具奏務期  
內而人情大安外而夷心允服常使其機在我而不  
在彼方為上筭隆慶五年八月初五日題奉  
聖旨是欽此

覆四川總兵官郭成不當多帶廣兵疏

題為謬膺新命懇乞

天恩請帶久隨慣戰官兵期臻實效以圖報稱事職方清  
吏司案呈奉本部送兵科抄出鎮守廣東等處地方  
總兵官左軍都督府署都督同知今改任四川郭成

奏奉

聖旨兵部知道欽此欽遵抄出送司案呈到部有得廣  
總兵官今改四川郭成奏稱戎珙都蠻煽亂奉

命往征乞將苗兵一千二百名并於原募官兵二千八百  
名通計三千名隨帶入蜀仍乞將所舉名色把總徐  
軻副千戶呂崇舟試百戶周紹先分哨管束各兵工  
食行糧于廣東支給三箇月江西湖廣各半箇月及  
稱標下選取千百戶鎮撫郭文楊成郭加福劉貴邵  
榴郭添虎方信等俱要隨帶前去各一節為照行師  
之道固當求其兵將之宜尤當權其利害之等所據

總兵官郭成欲將原統苗兵并召募新兵共轄三千  
隨征都蠻似亦有見但兩廣地方寇盜尚未盡平且  
自廣至蜀四千餘里在軍士則疲于奔馳在地方則  
重為騷擾害居十九利居十一相應通行酌議合候  
命下本部移咨兩廣提督李遷再加查議如見在苗兵果  
係郭成原自四川帶來者聽其盡數領回合用工食  
行糧酌議規則徑自資給若係兩廣招集之人照舊  
留住廣中不許輕發至於原募新兵止許將本官平  
日所親信量帶四五十名并名色把總官徐河昌崇  
爵周紹先隨軍效用其郭文等不得一槩帶用餘慶

五年八月初六日題奉

聖旨是欽此

覆巡撫保定都御史宋纁等議豁馬地餘銀疏

題為議豁馬地餘銀以甦民瘼事車駕清吏司案呈奉  
本部送兵科抄出巡撫保定等府兼提督紫荆等關  
都察院右僉都御史宋纁巡按直隸監察御史羅鳳  
翔題俱奉

旨兵部知道欽此欽遵抄出到部送司卷查先該巡按  
直隸監察御史張檟具題本部議得二府養馬餘地  
銀兩十數年來撫按諸臣屢欲題豁而竟不果行者



亦以民困固為可恤而國課亦恐有碍今御史張  
檟目擊民艱乃為奏請但巡撫都御史未見具奏事  
干國課合咨行保定巡撫都御史會同直隸巡按御  
史將大名等府原徵餘地銀兩覆行審勘要見先年  
丈量報緣何不即奏辯必待順德府奏豁然後援  
例具奏中間有無欺隱情弊據實從長勘議停當撫  
按官會奏以憑議覆又查得正德十五年十月內為  
陳情乞恩分豁重徵馬地銀兩追逼貧民以甦困  
苦事該順德府內丘縣民吳聰具奏該戶部行巡按  
御史查勘得府所屬邢臺等九縣俱無養馬餘地該

部題議自正德十六年以後應徵餘地銀兩通行除免徵解俱經題奉

欽依通行欽遵去後今該前因查呈到部看得巡撫保定都御史宋纁巡按直隸監察御史羅鳳翔各題稱大名真定二府養馬餘地銀兩節經委官勘報實係額外之徵且大名一府分毫未納不過虛名乞要比照順廣二府事例一體除豁一節為照

國家因地制賦以為惟正之供原無無地徵銀之理畿南四府事同一體所據餘地銀兩在順廣二府則久蒙除豁人情稱便在真大二府則屢經駁勘民瘼不

堪巡撫都御史宋纁巡按御史羅鳳翔交章會奏誠非得已相應通行依擬合候

命下本部咨行巡撫保定都御史及咨都察院轉行直隸巡按印馬各御史并劄行太僕寺將真定大名二府所屬各州縣原派養馬餘地銀兩自隆慶六年以後盡行除豁免其徵解以蘇民困其隆慶五年以前既稱分毫未徵不必再徵仍出給告示諭衆知之以省糧里姦人科索之擾隆慶五年八月初六日題奉聖旨是欽此

覆陝西總督都御史戴才議套虜貢馬疏

題為仰仗

天威套虜輸款求貢乞 賜廷議早定大計安虜情銷隱  
憂以未固邊圉事職方清吏司案呈奉本部送兵科  
抄出總督陝西三邊軍務都察院右都御史兼兵部  
右侍郎戴才題奉

聖旨兵部知道欽此欽遵抄出送司卷查本年七月內該  
總督宣大山西軍務太子少保兵部尚書王崇古咨  
稱套虜吉能等今歲受 勅之初遵照部議具表謝  
恩另進馬二百匹夷使二十名由順義王驗明由宣大進  
邊揀馬二十四匹差官代進餘馬並夷使發回陝西軍

門馬匹分給官軍騎征夷使各照虜住地方分發館  
住監市或將吉能今次表貢俱聽陝西軍門代進分  
發來歲許隨俺荅同時進貢馬匹夷使俱照原議等  
因該本部議照北虜通貢各枝部落貢馬總計五百  
匹原議套虜吉能應貢馬匹亦在數內今欲令吉能  
另進二百匹似於原議不同已經咨行陝西總督戴  
才酌議徑自題請去後今該前因查呈到部看得總  
督陝西三邊右都御史戴才等題稱套虜吉能輸誠  
款塞情詞懇切欲要比照宣大事例于延寧二鎮互  
市并將應行事宜開列八款及請定貢市先後各一

節除脩市廠處市貨優家丁另本議覆外為照舊  
吉能等效順之誠既稱與俺酋相同在我羈縻之方  
自難與俺酋少異先該本部覆奉

欽依加授吉能等都督等職銜准其隨同俺酋由宣大入  
貢及蒙 欽賞表裏向未頒給續據宣大總督尚書  
王崇古咨稱合無宣諭順義王俺答傳示吉能今歲  
暫容另貢馬二百匹由宣大進入夷使仍發回延寧  
監市為質事已穩妥但惟入貢互市事雖相因先貢  
後市禮當有序相應通行議擬合候

命下本部一面遵照 前旨會同禮部差官齎捧

初諭并 欽賞表裏前到大同地方交與總督王崇古宣  
諭順義王俺答傳示吉能約期率領各枝頭目俱至  
近邊適中處所選差機辯官冒教習跪拜禮儀焚設  
香案望 闕叩頭祇領受封之後即具咨表謝

恩其應貢馬匹查照原擬數目應入京二十四匹宣大總督  
差官代進應留邊一百八十匹送發陝西總督徑自  
給軍騎征原貢夷使仍回延寧夷館聽候監市照例  
撫賞一百移文陝西督撫官戴才部光先張蕙明諭  
吉能原議馬五百匹俺答先已進完今准另進二百  
匹不為常例明年止隨俺答於五百匹內較進一百

令其速將貢使發遣啓行然後約期開市其分定市  
地并議給馬價俱要逐一預講明白令其曉然知悉  
庶免臨期錯亂一切互市應行事宜查照宣大規格  
徑自施行不必瑣屑具奏以致耽延誤事隆慶五年  
八月十二日題奉

聖旨是欽此

覆陝西總督都御史戴才等條陳寧夏貢市疏

題為仰仗

天威套虜輸款求貢乞 賜廷議早定大計安虞情銷隱  
憂以求固邊圉事職方清吏司案呈奉本部送兵科



抄出總督陝西三邊軍務都察院右都御史兼兵部  
右侍郎戴才巡撫寧夏等處地方兼理軍務都察院  
右僉都御史張蕙題俱奉

聖旨兵部知道欽此欽遵通抄送司案呈到部看得總督  
陝西右都御史戴才題稱條議過延寧二鎮互市應  
行事宜八款及巡撫寧夏都御史張蕙條議本鎮互  
市事宜三款除戴才條議八款內撫賞市期等五事  
另本具題并優贍家丁候宣大總督王崇古奏到另  
議外所據領市販處市貨二事并張蕙所議酌滿市  
等情據此相應通行開募前件條擬上請定奪欽此

五年八月十三日題奉

聖旨依擬行欽此

一議修市廠臣等看得總督都御史戴才題稱延寧  
二鎮修建市廠在延綏合改於紅山邊牆間門之外  
其寧夏修復清水營舊廠互市之日專責主將會同  
該道督率叅遊等官統領兵馬防備不虞各一節合  
無依其所擬即將前項地方市廠刻期修完開市之  
日嚴督各該官員加謹防護毋致他虞

一預處市貨臣等看得總督都御史戴才題稱議將  
延寧二鎮椿朋肉臠地畝等銀及大小二池塩課銀

共輳一萬兩分投委官帶領鋪商收買段布等貨物  
以備互市不足之數行陝西巡撫動支該鎮椿朋馬  
價銀五千兩補輳應用准將苑馬寺每歲應給二鎮  
孳牧馬五百匹留備固原遊兵以抵前銀各一節合  
無依其所擬將前項銀兩俱准照數動支解送以備  
互市之用其苑馬寺廩給二鎮馬五百匹留備固原  
遊兵以抵椿朋銀兩事完將給發過銀兩買過段布  
易過馬匹各數目造冊奏繳青冊送部查考

一酌備市貨臣等看得巡撫寧夏都御史張蕙題稱  
夷使供稱套房馬匹牛羊等物入市甚多必須多備

貨物要將各營補馬椿朋銀八千兩并本鎮原討預備買補入衛馬價一體動支查與戴才所議大畧相同合無依其所擬行令本官會同總督軍門徑自通融轉處施行

一請給馬價臣等看得巡撫寧夏都御史張蕙題稱互市商貨應該預處見在馬價止足今歲之用所有預備入衛應補各馬乞預發二三萬兩本年十月以裏運送到鎮以便置買市貨一節查得本年七月內該給事中梁問孟等題本部覆議將慶隆六年分應派備用馬匹俱准折色解部收貯以後年分仍聽本

部酌量徵派一面先于太僕寺動支馬價三萬兩解送大同宣府山西各一萬兩買馬給軍已經題奉

欽依欽遵去後今據本官題稱前因相應依擬合無比照宣天山西事例將太僕寺馬價動支二萬兩以今歲十月以裏差官解運延寧二鎮各一萬兩令其收買臚壯好馬給軍騎征事完造冊奏繳青冊送部查考一議處商貨臣等看得巡撫寧夏都御史張憲題稱延寧地方貨物缺少必須往陝西河南山東南直隸等處置買欲要經過地方應付護送及禁約原差官商賈各處鋪行照依時估兩平交易不許高擡價值

及將粗惡貨物抵數搪塞各一節事體瑣細難以輕  
議合無聽本官徑行陝西河南山東南直隸各該撫  
按衙門通行各道有司查照施行

覆巡撫南贛都御史殷從儉建議裁革兩廣總兵  
官行勘疏

題為議處兩廣兵後事宜以裨久安事職方清吏司案  
呈奉本部送兵科抄出巡撫南贛汀韶等處地方提  
督軍務都察院右僉都御史殷從儉奏奉

聖旨該部知道欽此欽遵抄出送司卷查近該提督侍郎  
李遷洛為撫賊叛招事內稱撫賊許瑞焚巢叛招出

海已經本部咨行兩廣督撫等官多方勦捕去後今該前因查呈到部看得巡撫南贛都御史殷從儉具奏前因大率謂廣西古田既平宜將總兵官裁革照舊設副總兵鎮守廣東山賊稍寧亦宜將總兵官裁革照舊責成兵道叅將整理并漸汰客兵精選土著又謂嶺東山賊劉興策黃瑞二酋為南贛震鄰之患議調狼兵以勦之海濱林道乾許瑞二酋為廣東腹心之患議立為把總以制之或兼行間誘以購其首各一節為照兩廣地方原設總鎮文武大臣住劄梧州文則提督兩廣軍務兼理巡撫武則鎮守兩廣例

於勲臣內推用廣西止設副總兵一員後以勲臣不  
得其人改為流官于後又因地方多事兩廣各設總  
兵一員廣西又添設巡撫一員自改設至今人咸以  
為不便乃今南贛巡撫殷從儉題欲裁革廣西廣東  
總兵從儉係廣西人雖由本官一人之言實出兩廣  
多人之意事體重大相應嚴加查勘合候

命下備咨兩廣提督官并轉行廣西巡撫兩廣各巡按御  
史公同布按守巡各道虛心查議要見原設文武大  
臣及廣西止設副總兵是否穩便新設總兵巡撫是  
否不便毋持兩可畫一具奏如果舊制穩便不拘見



聖上是欽此

覆薊遼總督侍郎劉應節等敵臺工完陞賞疏

題為增設重險以保萬世治安事職方清吏司案呈奉  
本部送兵科抄出總督薊遼保定等處軍務兼理楊  
餉兵部右侍郎兼都察院右僉都御史劉應節題據  
密雲道兵備副使王惟寧等呈將隆慶三年春防

至五年春防止各路造完敵臺數目及效勞人員各  
分別等第呈送到臣及據總理練兵兼鎮守薊鎮總  
兵官戚繼光鎮守昌平等處總兵官楊四畏各呈報  
相同據此查隆慶三年二月內該前任總督侍郎  
譚綸巡撫都御史劉應節會題前事議昭禦戎之策  
惟在於戰守二端故以戰則求必勝以守則求必固  
乃為萬全之圖若勝負相半得失相參非善之善者  
也除戰則求必勝之事已別有成議以守言之必設  
二面受敵之險而後可所謂二面受敵之險則是將  
塞垣稍為加厚二面皆設梁口計七八十梁之間下

穿一小門曲突而上築一墩臺如內地看家樓而小  
視邊牆高可一倍大約高至三丈而止四方共廣一  
十二丈內可容五十人無事則守牆守臺之卒皆住  
在臺更番瞭望有警則守牆者出守其所分之地守  
臺者專擊其聚攻之虜而臺之位置又視其山川之  
形勢使之參錯委曲務處臺于牆之突收牆于臺之  
曲突者受敵而戰曲者守之而已且以臺受敵高且  
三丈彼之构杆皆不可施我之火器如鳥嘴銃佛狼  
機又能致遠彼之弓矢遠不能五六十步亦無所用  
如此則大勢之虜既不能攻吾外即有數十百虜從

我不守之處棄馬攀援而入吾之守者有所恃而不  
去又不能攻吾內且我既整暇則此數十百虜亦相  
牽授首無所逃命此即所謂以守則無不固真可謂  
萬全之策百世之利也大率每路該增敵臺三百座  
通計敵臺三千座每座給官銀五十兩計費官銀一  
十五萬兩乞速賜給發等因奉

聖旨戶兵二部看了來說欽此欽遵隨該戶兵二部看議  
得薊昌二鎮層巒疊嶂雖稱險阻但地里遼闊擺守  
稀疏若一處之罅隙可乘則地方之失事豈細全在  
督撫官平日之設備務極周詳然後臨事之防禦方

為有賴所據前項應修墩臺既經會題前來誠為保障至計相應通行依擬恭候

命下臣等二部查照原議事理聽督撫官嚴督各兵備與各主客將領酌量官軍多寡照數給發官銀責令備料興工各築墩臺務要堅固如法足堪保障等因奉聖旨是這建築墩臺誠創昌脩守至計着該鎮督撫嚴督各該兵備等官作速及時興工務要脩築堅固足堪保障如或苟完誤事經管員役巡關御史指名叅究銀兩依擬以次給發欽此又查得隆慶四年五月內准兵部咨看得薊遼總督侍郎譚綸題稱原議脩築薊鎮敵

臺三千座今復踏勘止須一千五百座原議築臺三年可完迄將完一半其未完一半須再限三年庶幾人不告苦原議每臺一座分三等犒賞今諸將競求壯麗皆為上上等則犒賞委當增加各一節為照前項敵臺俱於設險保邊之策卓有明據而該鎮督撫各官審度地里劑量人情樽節財用其為忠勤詳慎筭無遺策相應依擬合候

命下本部劄行太僕寺庫貯馬價銀并給戶部各照原定分數共發銀四萬兩前去交與巡撫都御史劉應節聽其查照總督衙門發各兵備道支給脩建并敵臺

減築一千五百座展限三年俱如所議施行等因題  
奉

欽依是欽此隆慶五年正月內又准兵部咨看得總督侍郎劉應節所題前因大率謂今春應造敵臺二百四十八座合用工費除見在銀兩外尚在請發銀一萬兩工程浩大主兵與班軍人力有限難以完報欲將督撫鎮協標兵併各鎮客兵揀選酌量分派該本部覆議內開仍照原議戶兵二部共發銀一萬兩各差官解送順天巡撫衙門其墩臺應築應減及督撫鎮協標兵并宣大遼東延綏固原等處八衛客兵挑選

應援餘剩之數量派助工即查照先今事理務使工  
早底績人情相安該鎮徑自隨宜酌處施行等因題  
奉

聖旨是銀兩准給發欽此欽遵去後今據前因臣會同整  
飭薊州等處邊備兼巡撫順天等府地方都察院右  
僉都御史楊兆議照防邊之要惟戰與守而已昌薊  
二鎮內擁

京陵之重外枕重山之險故自有虜患以來議者獨重在  
守守之誠是也計今經略三十餘年虜數犯數入尚  
未一睹固守之效則其故何與夫二鎮除標兵外列



守之兵不滿十萬畫守之地乃至二千四百餘里擇而守之則多踈槩而守之則愈寡於是衝處凡一二槩而一軍稍緩凡四五槩或十數槩而一軍險僻之處輒棄而不守彼軍以孑然之身獨立于危牆之上宿食無資風雨莫避枵腹荷戈不戰自疲一遇衆敵壓境動十數萬彼時將領一身勢難徧及援兵隔遠倉卒莫至前有必死之敵後無可畏之法望風奔潰更復何疑即使督察得人士卒效死賊出驍健數十人攀緣險山以乘吾上又或出驍健數百人由僻山間道以奪吾後當此之時前後受敵左右無援即衆

可走也况寡之甚乎由是牆上平日置備火器牆外  
偏坡壕塹等項悉為長物一切無用賊乃從容拆牆  
數十處度經一二日長驅直入如蹈無人之境矣該  
前任總督侍郎譚綸偕臣等視師塞上竊見舊有墩  
牆不可恃以為固擺邊故套不可恃以為守乃創建  
敵臺之議以為守要之策其制周圍以十二丈為率  
高連梁以三丈為率下用方面大石高五七尺至一  
丈五尺而止上用磚砌厚四五尺至六七尺而止原  
議每臺止給官銀五十兩繼因工費浩大量增至八  
十九十百兩有差原議二鎮共建臺三千座既而分

別衝緩又議以一十五百座為止衝臺三五十步一座遠者不過百步次衝百餘步一座遠者不過百五十步興工于隆慶三年春迄今凡歷五防共建臺一千一十七座制作久而彌精心思熟而愈巧高堅閑麗迥出原議真有民間千金所不能辦者除稍緩去處可通單馬步賊者尚太臺六十餘座容臣稍儉其制寬其人力取諸脩臺餘剩銀兩量行犒賞但派班軍路兵為之客兵標兵悉與停工外其各路邊山但係要害之衝可通大舉者臺形聯絡今悉控扼無餘矣是役也衆謂其益於防守有十利馬軍以臺為家

內有新水芻糧之備外無風雨霜雪之害一也多貯  
火器給用不絕二也賊弓矢不能及鉤杆不能施而  
我之郎機鳥銃皆遠擊數百步之外三也軍依於臺  
身既無恐膽氣自壯即弱兵可兼而用四也偏坡壕  
塹恃臺為固悉成險絕五也因臺而得地利因勢而制  
令分數易明節制可施六也即有狡賊垂不高踰險出  
吾不意而臺制高堅八面如一彼既不能仰攻而步  
賊又莫敢深入即不成擒當自遁去七也相持可久  
則援兵可待八也賊謀其入必謀其出來則可拒歸  
亦可遏九也即賊攻一臺潰一牆然虜馬擁衆非拆

牆數十處度經一二日不能盡安能悉公守臺之兵  
盡束手莫動十也是故兵家之事非謂甘不盡於守也  
亦非謂其有臺即盡守之事也要之審勢度形據便  
乘利必賴有此臺而後可以用兵譬之奕者之譜醫  
者之方神明變化存乎其人而舍此方譜則無復下  
手處矣是謂先聲伐人之謀是謂不戰屈人之兵較  
諸一鬪之捷一守之效者萬不相侔但諸邊將士所  
恃以為安者此臺也而將士畢智竭力不勝困苦者  
亦此臺也除隆慶三年脩工官員已經具題陞賞  
節年脩臺軍士已給有官銀而臣等又不時置備

酒饗勞外所據各該大小效勞文武諸臣今應通敘等因又該巡撫順天都御史楊兆題同前事俱奉

聖旨兵部知道欽此續該巡按直隸等處監察御史余希周題為遵

明旨據愚見條陳薊鎮事宜以少裨邊方大計事奉

聖旨兵部看了來說欽此欽遵通抄到部送司卷查先為前事該本部題奉

聖旨譚綸賞銀三十兩紵絲一表裡劉應節戚繼光楊四畏各二十兩宋豫卿宋守約各十兩高尚仁五兩楊錦楊兆各陞俸一級凌雲翼准復原官李超等各陞實職

一級陳其可等各陞俸一級楊經等并胡懋功等各賞銀五兩賀濤等各三兩李養董任回衛其餘依擬欽此已經通行欽遵訖今該前因通查案呈到部看得前

昌二鎮密邇京師拱護

陵寢比之他鎮關涉特重朵顏三衛名雖藩籬强者為虜之羽翼弱者為虜之耳目自庚戌至今騷擾之患無歲無之以故先後邊臣西自鎮邊城東抵山海關堽山塹谷俱各設有邊牆然牆垣雖設尚屬草畧隘口極多尤難分布督撫官譚綸劉應節等目擊其事乃能力議脩臺以為牆之捍蔽據險守要殊為得策而

內閣輔臣高拱張居正殷士儋折衷群言主張

國是謂督撫之議的然可行致脩築之二果能就緒十  
四路樓堞相望虎豹之關二千里聲勢相聯允  
矣金湯之固邊臣推讓其功以為第一誠非溢美均  
係宸宥勿重臣所有殊恩恭候

宸斷至於效勞文武諸臣既該督撫官分別具題前來而  
御史余希周則又念及效勞軍夫尤得賞當自下之  
義但與其犒賞方來以作其趨事之心先當優賞已  
往以慰其子來之意所據前任總督今陞右都御史  
譚綸文武兼資才識相合創造臺之制殫其籌思定



守臺之規極其周密事難慮始知良工之苦心工告厥成則頌聲之盈耳功當首敘見任總督劉應節志切安撫才優經濟昔協心于創始已見壯猷今戮力以成終益徵勝筭功當次敘巡撫都御史楊兆遠猷經國銘志匡時鼓舞衆軍地利得而戰守兼資倡率諸將直至工成而邊關永賴功當同敘總兵官右都督戚繼光署都督僉事楊四畏相視險阻歷羊腸鳥道之艱難自理工程甘櫛風沐雨之苦甚址之布置衝緩得宜修明築之堅完形勢甚壯功當併敘而戚繼光經營綜理之勞瘁訓練調度之精明比之楊四畏尤當

優敘其分理各官或陞任而勞不可泯或新任而功  
即可嘉或已受陞賞今當再敘或已加職級尚當議  
處或職掌相同而勤勞獨著在文臣則如副使凌雲  
翼已准復原職副使楊錦已陞俸一級副使張學顏  
王惟寧俱已陞任仍應重加賞賚僉事宋守約先因  
給由不願陞賞副使孫應元原任職方力替臺議俱  
應陞級僉事王之弼已調開原副使徐學古僉事張  
廷弼任淺勞多俱應陞俸同知賀濂通判趙無咎法  
臚判官王建先已受賞遽難陞俸仍當與知縣劉愛  
等同賞在武臣則如副總兵李超胡守仁楊鏜程九

思叅將孫山陳勛朱紹文楊鯉羅端史綱楊騰遊擊  
劉戡張斌張蕙張拱立張鐸劉雲趙竭忠守備戴詔  
提調程照劉尚仁王平王繼先已陞實職一級遊擊  
陳其可張涇王旌都司嚴勳時天爵先已陞俸一級  
遊擊楊經王紹勳崔柝高如桂劉付都司戚繼美叅  
將胡懋功莫如德遊擊李時馮登王祿王登張延賞  
丁添福左棋都司何天爵吳增貴林棟張銘葉鎰守  
備胡忠王陽李世臣楊秉忠提調王祿張應時寧潮  
潘一麟汪政謝惟能徐槐劉坤李崇召張糾千總趙  
棟先已賞銀五兩續成之功仍當分別優敘但欲將

副總兵胡守仁李超程九思三員俱加府銜叅將  
端陳勛楊鯉李如楨蔡勛張斌王通張拱立盧國權  
九員俱加副總兵遊擊史宸谷承功谷九臯王旌李  
時趙應時張涇劉葵靳付文良臣李光祖薛邦奇陳  
天福李惟一陳其可徐行王紹勲王軫楊秉忠陶世  
臣都司戚繼美二十一員俱加叅將中軍謝惟能畢  
英都司嚴勲時天爵四員俱加遊擊各職銜在

朝廷爵賞固難各惜第品職相等則節制有碍難以輕  
議合附簿紀錄如已陞實職者准與陞俸未經陞職  
者准陞實職或功績最著者仍陞實職更加賞資且

修功與軍功不同內外吏書人等亦難濫及其餘陞  
賞贖罪開伍降罰提問等項臣等逐一叅酌俱已允  
當相應通行依擬合候

命下將譚綸特加陞賞劉應節優加陞賞戚繼光厚加陞  
蔭楊四畏量加陞賞楊兆陞俸一級仍加賞資凌雲  
翼楊錦張學顏王惟寧各加賞資宋守約孫應元各  
加職銜王之弼徐學古張廷弼各陞俸一級賀濤等  
四員并劉愛等十八員併加賞資胡守仁等三員各  
陞實職一級仍重加賞資羅端等九員史宸等二十  
一員各陞實職一級仍量加賞資內盧國讓照舊致

仕宦臣董一元 尺綱楊鏗孫山王惟藩郝府并謝  
能等四員各陞俸一級上祿程照潘一麟劉尚仁甯  
潮汪政王經王韶孫光祖李宗召伍潮各加守備職  
銜內伍潮准補實職試百戶王陽等十四員各陞實  
職一級并納緡指揮李如梗胡天定俱遇缺推用恭  
以平等二十九員各陞實職一級魯煌等十三員各  
陞俸一級張董等五十一員各重加賞資張應時等  
十員各量加賞資劉應麟等李芝等行總督衙門分  
別獎賞楊文量賞聽用張功復祖職徐枝復祖職指  
揮僉事高廷相量復試百戶孫朝梁准復職王撫民

准贖罪李時張璽王騰張文奎各准復祖職一級張楠顧尚義各准復祖職二級劉九經李尚賢李秉鈞准贖罪開伍何遵化周德准標下聽用周池免其發遣張爵劉戡吳增貴王邦憲俱免提問李信准與住提千戶張世勳錢佩鄭廉曹繼先各陞一級傅桂生等五員各降祖職二級常登等二十三員各降祖職一級潘縉行彼處撫按官提解歸結錢勝照舊着任楊承業劉承因遲尚臣聽訥鎮總督提問仍移咨都察院轉行順天巡按御史即將築過敵臺用過錢糧數目備細查明徑自造冊具奏本部一面移咨劉應

節楊兆勳支民兵犒賞銀兩先將修完墩臺每臺軍夫各給銀十兩全班工作者厚賞輪班工作者量賞見在者面給回衛者差人解給其未脩墩臺各加犒賞銀四十兩督率管工員役查照昌平一帶規制臺身多培大石臺樓盡用甃圈仍將各管工官員職名刻石登記如五年內損壞十年內傾圮者許巡按御史查叅從重治罪其已建木樓者亦要用磚包圈守臺之法該鎮督撫等官徑自酌議教練但

恩典出自

朝廷臣等未敢定擬隆慶五年八月十九日題奉



聖旨這敵臺工完各官效有勞績譚綸陞兵部尚書兼都察院右副都御史照舊協理戎政還賞銀四十兩紵絲二表裡劉應節陞俸二級賞銀三十兩紵絲二表裡戚繼光陞一子百戶楊四畏陞實職二級楊兆陞俸一級還各賞銀二十兩紵絲一表裡凌雲翼等各賞銀十五兩宋守約陞一級孫應元陞俸二級王之弼等各一級賀濤等并劉愛等各賞銀十兩胡守仁等各陞實職一級賞銀十兩羅端等各陞實職一級賞銀五兩張蕙等各賞銀八兩張應時等各五兩其餘都依擬欽此

覆巡撫山西都御史楊綵條陳防秋邊計疏

題為定議防秋事規以圖安邊裕計事職方清吏司案  
呈奉本部送戶科抄出提督鴈門等關兼巡撫山西  
地方都察院右僉都御史楊綵題奉

聖旨戶兵二部知道欽此欽遵抄出送司案呈到部看得  
巡撫山西都御史楊綵條陳定分布定民壯定戰守  
三事斟酌調停兵食均為有益合就開立前件議擬  
上請定奪隆慶五年八月二十三日題奉

聖旨依議行欽此

一定分布之議看得巡撫山西都御史楊綵題稱今  
偏頭關去邊六十里常西路之衝秋防兵馬止擬本

城團練中東二路漸緩及出莜麥川陽方口廣武城  
團練蓋緣防秋事例離城即支行糧稍一移動即得  
饔餼要將中東二路一體駐劄本城團練各一節破  
除擺邊之虛文力行節財之實政反覆叅詳具見留  
心邊計合無依其所擬備行該鎮督撫官每年秋防  
酌量時勢預將各路兵馬分布停當除西路原在本  
城團練外其中東二路兵馬俱令駐劄本城團練動  
支原發操賞銀兩從重賞勸一面多方哨探務得虜  
情但有入犯消息即使督率官軍速赴信地相機戰  
守行糧料草方許照例支給至十月冰凍聽督撫

門撒放休息其各該村領果能悉心軍務團練如法及怠玩苟且欺詐廢弛者防秋畢日巡撫官分別舉刺以昭懲勸

一定民壯之議看得巡撫山西都御史楊綵題稱先年三關民壯九千餘名守邊雖似無用脩工實其所長近題准止存五千二百其餘俱發各州縣守城暫停上邊但查西路工役自野豬溝至高八臺止尚未興脩自蕨菜節起至一角山止方在脩濬恐一年難完欲將新題工程築挑完日放回其停免上邊工食當年准蠲以後兩年一徵解布政司收貯專聽脩邊

支用各一節計處周匝關南民力真有息肩之期合  
無依其所擬備行該鎮督撫官將見存民壯督發野  
豬溝等處脩工完日以回各該州縣守城以後暫停  
上邊所有上邊工食就於停免之年暫蠲一年以後  
兩年一徵通解布政司收貯如遇尋常工程各兵備  
道叅守等官督率本軍夫隨宜脩補如積多貽累  
及妄議興脩者聽督撫官查叅究治若工程重大本  
界力難脩舉聽巡撫衙門覈實仍調前項民壯協脩  
即以所貯銀兩支給一食完日放回

一定戰守之議看得巡撫山西都御史楊綵題稱山

西邊長八百餘里今罷擺守讓團練最是機宜然猶未免有事登牆之說但虜勢重大相持便難欲要講求戰守活法不得以守牆為辭致失成筭各一節大率用兵之道全在相機戰守至於一意守牆在薊昌二鎮則可在各邊則大不可一則牆垣空缺一則人力單薄株守徒勞何濟於事合無備行該鎮督撫官督勵各路將領熟察内外地形講求戰守活法如遇有警險有可據則分戰兵以為守機有可乘則合守兵以為戰或進攻退守或外援內據務中機宜以保萬全不得藉口守牆逗遛觀望其西中東三路副叅

遊守等官各要不待調遣彼此相援不得以信地為辭故不策應各該紀功官亦不得拘泥文法過於責備牽制既少自可展布大小將領仍敢庸怠退顧聽巡撫官查叅拏問重治

覆宣大總督尚書王崇古請命陝西撫賞套虜疏  
題為仰仗

天威套虜輸款求貢乞

賜廷議早定大計安虜情銷憂隱以求固邊圉事職方清吏司案呈奉本部送准總督宣大山西等處地方軍務兼理糧餉太子少保兵部尚書兼都察院右副都

御史王崇古咨前事等因案呈到部看得總督宣天山西尚書王崇古咨稱套虜吉能切盡黃台吉等請首授官納貢節該兵部具題會同禮部差官齎捧

勅書并欽賞表裏前去大同令職宣諭順義王俺答傳示吉能約期率領各枝頭目俱至近邊適中處所接勅受封領賞已經行令各酋俱過河東就近於水泉營市塲迎勅受賞謝恩納貢去後隨據田世威回報順義王俺答說稱吉能等部落子姪分住河套相去隔遠一時調取難齊即今秋高各要西搶番夷本王亦欲西赴河套今吉能切盡黃台吉見在榆林邊外急



等接 勅互市調他必致疑憚俺荅於水泉市完移  
帳北去勢難挽留東住客要俯順夷情將

勅書 欽賞齎送榆林邊外頒給進貢馬匹數目遵照原  
議俱免過河吉能各酋各照地方聽延寧兩鎮分投  
互市各一節既該總督尚書王崇古移咨前來臣等  
再三參酌事體夷情俱屬穩便相應如擬題請合候  
命下本部馬上差人移咨宣大總督王崇古即將本部原  
差都司楊光祖劉大中等齎捧

勅書并 欽賞表裏等項護送過河交與陝西總督戴才  
遵照原題事理選差機辦官員宣諭套虜吉能等約

期率領各部落頭目俱至近邊適中處所焚設香案  
望闕叩頭祇領受封之後揀選上馬二十匹責差  
官通押送俺答處代寫表文恭送入邊聽總督王崇  
古督令譯字生馬繼志照依原文譯明擬寫轉進其  
應留邊馬一百八十匹聽總督戴才就彼徑自給軍  
騎征夷使安插夷館聽候監市照例撫賞仍行陝西  
督撫官戴才卹光先張憲一面先收貢馬以省令具表  
謝恩一面即照互市事宜兩平交易仍宣諭吉能  
原議馬五百匹俺答先已進完今准另進二百匹不  
為常例明年止隨俺答丁五百匹轉進共分定市地

議給馬價俱要逐一預講明白庶免臨期錯亂至于互市事宜查照宣大規格徑自詳酌施仁不必瑣屑再奏耽延誤事隆慶五年八月二十五日題奉

聖旨是欽此

覆巡撫大同都御史劉應箕條陳邊務疏

題為酌時宜陳邊務以裨安攘以脩實政事職方清吏司案呈奉本部送戶科抄出巡撫大同地方贊理軍務都察院右僉都御史劉應箕題奉

聖旨戶兵二部知道欽此欽遵抄出送司案呈到竊看得巡撫大同右僉都御史劉應箕條陳包軌堡復外堡

定城堡明衆寡四事俱於邊務有益合就開立前件  
議擬上請定奪隆慶五年八月二十五日題奉

聖旨依議行欽此

一包磚堡以圖永逸看得都御史劉應箕題稱大同  
一鎮官堡共四十七座五年之內脩理四次空費錢  
糧無益實用若非用磚包砌萬無可久之理已行兵  
備守巡各道及叅將等官督率軍匠掘土造坯採柴  
燒磚俟明春土脉融和起工但地方瘠薄必假工價  
要於減剝客餉銀內動支三萬兩充塩菜之費各一  
節誠為暫費永寧一勞永逸之計但每堡合用錢糧

未見分估明白且一年止包一面官司更代不常久之未免廢閣合無備行總督王崇古會同劉應箕嚴行守巡各道備查大同官堡該磚包者計若干座每堡合用行糧鹽菜工食若干共該用銀若干一年四面合工可脩幾座幾時可以通完未盡事宜一併咨報以憑會同戶部議於減剝客餉銀內動支施行一復外堡兵額以圖保障看得都御史劉應箕題稱大同一鎮北抵弘賜東抵天城先年各設外堡以為腹裏城堡羽翼其時軍聲頗振後將馬軍選入各營遂致單弱茲欲議撤各堡專守內地邊情事勢頗為

得計但議者不察即謂自撤藩籬孰致主之止宜查  
復各堡兵馬舊額每叅將一員務足三千各一節查  
得先年邊臣設立外堡重門擊柝以待暴客意甚深  
遠止當救弊循偏以為保障之圖豈宜因噎廢食輕  
撤藩籬之固合無斟酌所擬備行該鎮督撫等官速  
將各堡原額軍馬照數補完每叅將下務足三千春  
秋兩防不許各營擅調如遇賊勢衆太總兵發兵合  
戰若賊止數千或百騎在得勝者即令北東北西二  
路叅將夾勦在平遠者即行該路叅將堵截其尋常  
零賊各堡小操自行殄除不許推諉如違聽督撫官

叅究重治

一定城堡之疎密以扼險要看得都御史劉應箕題稱大同一鎮除民堡外設有守備操守者共四十七堡有當稀而密者有當設而未議者如土八柳樹洞兒溝大谷口皆賊所必經之路翻無城堡其地不里不相照應者尚多欲要較量地里于緊要處倒口增置將重複稠密去處裁革及更調守備等官又公一節查得大同地方逼近虜巢城堡之設以逸待勞不嫌于密果有稀疎之處止當隨宜添築若已成之堡有公衙有私舍安土重遷豈可盡數裁革合無斟酌所擬備

行該鎮總督撫鎮官督同守巡各道將前項城堡逐一相勘果有稀疎應該添築者計處停當具奏定奪一明衆寡以寬罪譴看得都御史劉應箕題稱守備之官原為防守城池故地方被虜人畜五七名口即作充軍其責成甚重法紀甚嚴但各堡兵馬單弱且多步軍委難防守俱坐守備不設之條實有不堪欲要填補軍馬然後責成各一節深得守備各官口欲言而不能自言之意合無依其所擬備行該鎮總督撫鎮官即將沿邊城堡軍馬通融查處見在者如法訓練缺少者設法補足守備官如仍防守不嚴致有



疎虞自當照例問擬以示懲戒

楊襄毅公本兵疏議卷二十一終